

აფხაზეთის კულტურულ-შემოქმედებითი ღონისძიებების ხელშეწყობა

პროგრამის განმახორციელებელი, მისამართი:

სსიპ კულტურის სპორტის და ახალგაზრდულ საქმეთა სააგენტო

კულტურის სამმართველო

მისამართი: ქ.თბილისი, უზნაძის 68

ელ.ფოსტა: info@csya.ge

ვებ.გვერდი: csya.ge

საკონტაქტო პირი: კულტურის სამმართველოს უფროსი სპეციალისტი

ლიანა ხურცილავა - 599 85 54 41

1. პროგრამა "აფხაზეთის კულტურულ-შემოქმედებითი ღონისძიებების ხელშეწყობა"

(პროგრამული კოდი - 06 27 02)

პროგრამა გულისხმობს ისეთი პროექტების ხელშეწყობას, რომლებიც უზრუნველყოფს კულტურის ხელმისაწვდომობას, ქართულ - აფხაზური შემოქმედებითი პროცესების სტიმულირებას, ხელოვანი ადამიანების საქმიანობის პოპულარიზაციას, კულტურის ტრადიციული და ახალი დარგების (საშემსრულებლო, ვიზუალური, შემოქმედებითი მიმართულებების და სხვა...) გაძლიერებას, აფხაზური კულტურის ინტეგრირებას საერთო კულტურულ რუკაზე, მის გატანას საერთაშორისო დონეზე და ინკლუზიური პროექტების განხორციელებას, ახალგაზრდებში აფხაზეთის შესახებ ცნობიერების ამაღლებას. დამოუკიდებელი სახელოვნებო ორგანიზაციების, ჯგუფების, ხელოვანების მიერ წარმოდგენილი პროექტების განხორციელების ხელშეწყობას. დასახული მიზნების მისაღწევად პროგრამა ითვალისწინებს შემდეგი ტიპის პროექტების და ღონისძიებების ხელშეწყობა/განხორციელებას: ფესტივალებსა და კონკურსებში (ადგილობრივი და საერთაშორისო) მონაწილეობის მიღება, ტრადიციული და სახალხო დღესასწაულები, შემოქმედებითი და საიუბილეო საღამოები, საგამომცემლო საქმიანობა, გამოფენები, ახალგაზრდებში აფხაზეთის შესახებ ცნობიერების ამაღლება, შემოქმედი ახალგაზრდების ზრდა-განვითარება და მოტივაციის ამაღლება, თემატური ვორქშოპები და სხვა კულტურული ღონისძიებები. პროგრამის ფარგლებში დაფინანსების მისაღებად, საქართველოს კანონმდებლობის შესაბამისად, საქართველოს ტერიტორიაზე რეგისტრირებულმა იურიდიულმა პირმა, ხოლო საგამომცემლო საქმიანობის ხელშეწყობის ფარგლებში, ასევე ნაშრომის ავტორმა ფიზიკური პირმა წერილობითი განცხადებით უნდა მიმართოს სააგენტოს, რომელსაც უნდა ერთვოდეს: სრულყოფილად შევსებული საპროექტო განაცხადი,

პროგრამის მიზანია: აფხაზეთის კულტურული და შემოქმედებითი ღონისძიებების ჩატარება, განვითარება, პოპულარიზაცია, მრავალფეროვანი პროექტების განხორციელება და ფინანსური ხელშეწყობა.

სამიზნე ჯგუფი- სახელოვნებო სფეროს წარმომადგენლები, ორგანიზაციები; აფხაზეთიდან დევნილი მოზარდ-ახალგაზრდობა; დაფინანსების მიმღები სუბიექტი შეიძლება იყოს, საქართველოს კანონმდებლობის შესაბამისად, საქართველოს ტერიტორიაზე რეგისტრირებული იურიდიული პირი, ასევე საგამომცემლო საქმიანობის ხელშეწყობის ფარგლებში ნაშრომის ავტორი ფიზიკური პირი.

1.1. ქვეპროგრამა - "კულტურული ინიციატივები" (ქვეპროგრამის კოდი - 06 27 02 02)

ქვეპროგრამა ითვალისწინებს აფხაზეთის კულტურის სფეროს ღვაწლმოსილი ხელოვნების შემოქმედებისადმი მიძღვნილი ღონისძიებების, საიუბილეო თარიღების, სხვადასხვა ტიპის გამოფენების, ლიტერატურული ნაშრომების თარგმანის და შემოქმედებითი საქმიანობის, როგორც ტრადიციული ისე თანამედროვე დარგებისა და მიმართულებების (ფოტოგრაფია, რეწვა, დიზაინი), ტრადიციული და სახალხო დღესასწაულების დაფინანსება/თანადაფინანსებას; საშემსრულებლო ხელოვნების განვითარების ხელშეწყობას, თავისუფალი თეატრალური პროექტების განხორციელებისა და თეატრალური ხელოვნების განვითარებას; ხელოვნების სხვადასხვა სფეროში - თანამედროვე და კლასიკური მუსიკისა და ქორეოგრაფიის, თეატრალური, სახვითი ხელოვნების ფესტივალებსა და კონკურსებში მონაწილეობის დაფინანსება/თანადაფინანსებას.

ქვეპროგრამის მიზანია - ქართულ -აფხაზური კულტურის პოპულარიზაცია. მრავალფეროვანი და საინტერესო ინიცირებული პროექტების ფინანსური მხარდაჭერა.

სამიზნე ჯგუფი- დაფინანსების მიმღები სუბიექტი შეიძლება იყოს, საქართველოს კანონმდებლობის შესაბამისად, საქართველოს ტერიტორიაზე რეგისტრირებული იურიდიული პირი.

1.2. ქვეპროგრამა "ინკლუზიური პროექტების ხელშეწყობა"(ქვეპროგრამის კოდი - 06 27 02 04)

ქვეპროგრამის ფარგლებში განხორციელდება ინკლუზიური პროექტები ხელოვნების სფეროს სხვადასხვა დარგში. ქვეპროგრამა ითვალისწინებს საზოგადოების ცნობიერების ამაღლებას, ყველასათვის თანაბარი შესაძლებლობების გაჩენას და შეზღუდული შესაძლებლობისა და სპეციალური საჭიროების მქონე პირების მაქსიმალურ ჩართულობას კულტურულ პროცესებში.

ქვეპროგრამის მიზანია შეზღუდული შესაძლებლობისა და სპეციალური საჭიროების მქონე პირების მაქსიმალური ჩართულობით განხორციელებული ღონისძიებების მხარდაჭერა.

სამიზნე ჯგუფი - დაფინანსების მიმღები სუბიექტი შეიძლება იყოს, საქართველოს კანონმდებლობის შესაბამისად, საქართველოს ტერიტორიაზე რეგისტრირებული იურიდიული პირი.

1.3. ქვეპროგრამა "საგამომცემლო საქმიანობის ხელშეწყობა" (ქვეპროგრამის კოდი - 06 27 02 05)

ქვეპროგრამა ითვალისწინებს აფხაზეთის თემაზე შექმნილი მხატვრული ლიტერატურის, პუბლიცისტური კრებულების, საისტორიო-სამეცნიერო ნაშრომების, კატალოგების, ხელოვნების სფეროს (მხატვრობა, ქორეოგრაფია, თეატრი...) წარმომადგენლებზე მომზადებულ მხატვრულ თუ დოკუმენტური წიგნების

გამოცემის ხელშეწყობას. დასაბეჭდი მასალა უნდა იყოს გამოუქვეყნებელი, კონცეფცია - აქტუალური, ხარისხი - მაღალი მხატვრული ღირებულებების მატარებელი, რომელიც ეხმიანება თანამედროვე ლიტერატურულ ტენდენციებს. ქვეპროგრამის ფარგლებში ხორციელდება ბეჭდვითი ღონისძიებები (არაუმეტეს 300 ეგზემპლარისა); საგამომცემლო საქმიანობის ფარგლებში ფინანსდება როგორც ინიციატივებით შემოსული, ისევე სააგენტოს მიერ ინიცირებული პროექტები, რომელიც ითვალისწინებს ჟურნალების - „რიწა“, „იალქანი“ და სააგენტოს მიერ მომზადებული პროექტების ბეჭდვას. სააგენტოს მიერ წარმოდგენილი პროექტების გამოცემა მოიცავს მთარგმნელობით და სხვა საგამომცემლო მომსახურებას.

ქვეპროგრამა არ ითვალისწინებს ინიციატივების ფარგლებში შემოსულ ტექნიკურ, საბუნებისმეტყველო, სამედიცინო, იურიდიული ლიტერატურის, ასევე - პერიოდული გამოცემების: ჟურნალი, ალმანახი, გაზეთი, ბუკლეტი - დაფინანსებას;

ქვეპროგრამის მიზანია -გამოიცეს აფხაზეთის თემაზე ახალი, საინტერესო, აქტუალური და მრავალფეროვანი ლიტერატურა, რომელიც დადებით მუხტს შეიტანს ქართულ-აფხაზური - ძმური, მეგობრული ურთიერთობების აღდგენაში; ხელი შეეწყოს ახალბედა ავტორებს სამწერლობო გზის გაკვლევაში. დაფასდეს იმ ხელოვანების ღვაწლი, რომლებმაც საკუთარი შემოქმედებით მნიშვნელოვანი წვლილი შეიტანეს აფხაზეთის კულტურის განვითარებაში.

სამიზნე ჯგუფი - დაფინანსების მიმღები სუბიექტი შეიძლება იყოს, საქართველოს კანონმდებლობის შესაბამისად, საქართველოს ტერიტორიაზე რეგისტრირებული იურიდიული პირი ან ნაშრომის ავტორი ფიზიკური პირი.